



Inatsisartuni ilaasortaq, Vivian Motzfeldt, Siumut

Indgået

10 MAR. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Piareersarfiit pillugit §37-mi apeqqutinut 073-iittunut akissutit**

08-03-2016  
Sags nr. 2015 - 7576

Asasara Vivian Motzfeldt

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

Piareersarfinnut tunngatillugu apeqqutinnut qujanaq. Matumuuna tamassa akissutigut:

**1) Nuna tamakkerlugu Piareersarfiit qassit ingerlanneqarpat?**

**Akissut:**

Nunami siusinnerusukkut Piareersarfinnik taagukkanik Suliffissanut, Ilitsersuisarnernut Pikkorissaqqinnernut qitiusumik Ingerlatsiviit 17-iupput. Ingerlatsiviit nunatsinni illoqarfinniipput.

Suliffissanut, Ilitsersuisarnermut Pikkorissaqqinnernullu qitiusumik ingerlatsivinnut tunngasoq inatsit januaarip aallaqqaataani 2016-imi atuutilerpoq, aamma kommuunit illoqarfinni tamani taamaattunik pilersitsissaaq. Inatsisip isumannaarpaa "matumut ataatsimut politikkimik" suliffissanut, ilitsersuisarnermut pikkorissaqqinnernillu qitiusumik ingerlatsisarnerni, taamalu suliffissaaleqisut aamma inuusuttut suli suliffeqarnermut pulasimangitsut pilersaarusiunneqarsinnaaqqullugit, qanoq aaqqissuussisoqarneratigut iluatsitsiviusumik ingerlaqqissinnaanersut, piffissallu ingerlanerani suliffeqarnermut uteqqillutik, ikiorneqarlutillu nunatsinni suliffissanut nassaassanut.

**2) Inuusuttut Piareersarfimmiissimasut agguaqatigiisitsinermi ilinniarfinnut ingerlariaqqittartut qassiuppat?**


**Akissut:**

Inuusuttut Piareersarfimmiissimasut tassaapput erseqqissumik taaneqanngikkaluartumik inuusuttut atuagarsorlutik piginnaangorsarsimasut. Atuagarsorluni piginnaangorsarnermut marlunnik neqerooruteqarpoq, aappaa tassaalluni AEU - Inuussutissarsiutinik Ilinniagaqalernermut Akuerisamik Isissutissiaq (Anerkendt Erhvervsintroducerende Uddannelse), aappaalu tassaalluni FA, tassaasoq Meeqqat Atuarfiannit Soraarummeerutitut Misilitsinneq (Folkeskolens Afgangsprøve).

Ingerlatsivinni 17-ini tamani AEU – piginnaangorsarnermut neqeroorutitut ippoq, ingerlatsiviillu arfineq-pingasut ingerlatassamik Meeqqat Atuarfiannit Soraarummeerutitut Misilitsitsisussamik neqerooruteqarput.


Ukiuni kingullerni pingasuni Piareersarfinni FA-mik ingerlassamik agguaqatigiissillugu inuit 101 ukiumoortumik naammassinnissimapput. Agguaqatigiissillugit 60 %-ingajaat ilinniagaqarnermut toqqaannartumik ingerlariaqqissimapput. Ukiup ataatsip iluani agguaqatigiissillugit 73 %-it nangitsissummik ilinniakkamik aallartitaqarsimapput.

**Ilusiliaq 1: Atuartut FA-mik ingerlassamik naammassinnillutik ilinniagaqarnermik ingerlariaqqittut annertussusaat; 2012/13-2014/15**



Ukiuni kingullerni pingasuni Piareersarfinni AEU-mik ingerlassami agguaqatigiissillugit inuit 540 ukiumoortumik misilitsissimapput. Agguaqatigiissillugit 20 %-it ilinniagaqarnermut toqqaannartumik ingerlariaqqissimapput. Ukiup ataatsip iluani agguaqatigiissillugit 34 %-it nangitsissummik ilinniakkamik aallartitaqarsimapput.

**Ilusiliaq 2: Atuartut AEU-mik ingerlassamik naammassinnillutik ilinniagaqarnermik ingerlariaqqittut annertussusaat; 2012/13-2014/15**



Uani takuneqarsinnaasutut AEU-mi ilinniarnikut ilinnialerneq ajortut arlaqartut. Taakkuali ilaat FA-mut ingerlaqqittarput periarfissaqalerusullutik GUX-imut ilinnialernissaminnut.

Ataatsimut isigalugu AEU-mi atuartuunikut 2012-2013 aamma 2013-2014-meersut 33%-ii FA-mik ingerlatsisisimapput ukiumi atuarfiusumi 2014-2015.

FA-mi kisitsisit takutippaat atuakkerinnermut piginnaasanik qaffaaneq annertoq pisartoq. Takuuk apeqqut 5-imut akissut.

Siunissami FA-mik ingerlatsisarneq ukkatigineqarnerulissaaq, ilinniartitseriaatsit misilitsitsinerillu assigiissaarneruniarlugit.

### **3) Piareersarfimmiit ilinniartinnut ingerlaqqittartut qassit ilinniakkamik naammassinnittarnersut kisitsisaatigineqarpa?**

#### **Akissut:**

Innuttaasut tamarmik, ilitserorneqarnissamik ilinniagaqalernissamillu ujartuisut Piareersarfiit aqqusaartarpaat, taakku tassaammata ilitseruisarnermik ingerlatsiviit, nunami ilinniagaqalernissamik qinnuteqaatinik tamanik aqutsisuusut, ilanngullugit ilitseruisarnerit, aammalu Danmarkimi ilinniagarisanut ilitseruinerit.

Aatsaat ukiut kingulliit iluanni Piareersarfinni ilinniartut tamarmik IT-reg-imut nalunaarsorneqartalerput. Gymnasiami ilinniakkap (GUX-ip) naammassinissaa ukiunik pingasunik sivissuseqarmat, inuusutissarsiummillu ilinniakkat naammassinissaat nalinginarmik ukiunik 2-4-nik sivissuseqarmata, Piareersarfinni ilinniagaqartut nangitsissummik ilinniakkamik aallartissimasaminnik naammassinissimasut qanoq annertutiginerisa oqaatiginissaat sulii siusippallaarpoq.

### **4) Piareersarfik aqutiginngikkaluarlugu uninngareerlutik ingerlariaqqissimasut qassiuppat?**

#### **Akissut:**

Ilitseruinnermut tunngatillugu Piareersarfinnik attaveqarsimasunik inuusuttunik IT-reg-imit paasissutissanik tiguisoqarsinnaangilaq. Taamaattorli inuusutissarsiornermut ilinniagaqarnermullu ilitseruisarneq pillugu inatsit malillugu Piareersarfiit inuusuttunut tamanut meeqqat atuarfiannik qimatsisunut ilinniakkamillu aallartitaqanngitsunut, kiisalu inuusuttunut ilinniakkamik taamaatitaqarsimasunut orniguttartut ilitseruisartussaapput. Inatsisit nutaap Suliffissanut, Ilitseruisarnermut Pikkorissaqqinnernullu qitiusumik ingerlatsivinnut tunngasup siunertaraattaaq ilitseruinnermut sulineq nukittorsarneqassasoq.

Saniatigut ingerlatsiviit 250-inik inuusuttunik atuakkerinnginnermik piginnaasanik qaffasaanermit tunngasunut suliniutinut ingerlatsisilerput 2016-miit, tassa uani pineqarput inuusuttut ilinniagaqalersimannngitsut kiisalu suliffissaaleqisut.

### **5) Piareersarfimmi ilinniartitsinerup pitsaassutsimigut inissisimamera uuttortarneqarsimava?**

#### **a. Taamaappat qanoq?**

#### **Akissut:**

AEU pillugu ukiumoortumik Namminersorlutik Oqartussat ingerlatsiviit arlallit tikeraartarpaat, tamakkunani ulluinnarni ingerlatsineq ilinniartitsinerlu, ingammillu ukiumoortumik marloriarluni ingerlanneqartartunik nuna tamakkerlugu

misilitsittarnerit pillugit oqaloqatigiittoqartarluni. Taamatutaaq 2013-imi AEU-mi ilinniagaqarnermik aqqissuussineq pillugu isumasioqatigiinneq ingerlanneqarsimavoq, ingerlatsivinnit sammisanik ilinniartitsisuusut AEU-mi ilinniartitsinermit tunngatillugu ilisimasanik misilittakkanillu paarlaateqatigiissitsinissamut katersorneqarlutik. Nuna tamakkerlugu misilitsinnernut taakkununga suliassanik ineriartortitsisarnermut aqqissuusseqinnerit isumasioqatigiinnerup inerneraa.

**a pill.)** Karakterit tamarmik taakkununga karakterinut databasemut immersorneqartarput, karakterinilu annertunerusumik appariartoqassappat Piareersarfik taamatut pisoqarfiusoq attaveqarfigineqartarpoq.

FA pillugu meeqqat atuarfiannit inerneriusartut Piareersarfimmi FA-rtut inernerisaannut sanilliussisoqarsinnaavoq. Kisitsisit taakkua takutippaat Piareersarfimmi atuakkerinermit piginnaasanik qaffassaaniarnermi kivitsinnaaneq iluatsiffiulluortoq, inuusuttunut meeqqat atuarfianni naammaginangitsumik naammassisaqarnikunik.

*Tabel 2: Meeqqat atuarfiannit inernerit Piareersarfimmilu FA-nut inernerit sanilliunneri 2012-2013 aamma 2014-2015.*

	Kalaallisut	Qallunaatut	Matematik	Tuluttut
Meeqqat atuarfit	5,2	3,4	3,0	1,8
Piareersarfiit FA	7,1	6,3	5,6	5,5
Ineriartorneq	1,9	2,9	2,7	3,7

Piareersarfimmi FA-rtut meeqqat atuarfiannit angusarisatik pitsanngortittarpaat. Karakterit GSS skalamit 7 trin skalamut nuutsinneqarput uani takussutissiami.

AEU-mi inernerineqartartut annertuumik angusiffiusartut takutippaat. Ukiut ingerlanerani 85% missaani inissisimasarput.

*Tabel 1: AEU-mi karakterit ukiuni misilitsiffiusuni 2012-2013 aamma 2014-2015*

	Kalaallisut	Qallunaatut	Tuluttut	Matematik
A-B	23%	8%	5%	6%
C-D	67%	47%	40%	54%
E	9%	27%	28%	32%

Fx-F                      1%                      19%                      28%                      9%

---

**6) Piareersarfinni ilinniartitsisuunissamut piunasaqaatit suuppat, qanoq ilinniarsimasuusariaqarpat piareersarfinni ilinniartitsisut?**

**Akissut:**

Ilinniartitsinermik sulisorisat ilinniagaqarnermut tunngatillugu tunngavigisaat piginnaangorsaaneramik neqeroorutini assigiinngillat, sammisanik (faglinik) ilinniartitsisunik aamma meeqqat atuarfiannit ilinniartitsisunik atorfinitsitsisoqarsinnaammat. Ilinniagaqarnermut piunasaqaatit tassaapput inuussutissarsiummik ilinniagaqarsimaneq, imaluunniit seminariami ilinniagaqarsimaneq.

Piginnaangorsaaneramik neqeroorutini faglinik ilinniartitsisut Qitiusumik inuussutissarsiutinullu ilinniartitsisut ilinniartitsisut ilinniartitseriaatsinik ilinniartitaanerannik (PG-mik) ilinniagaqarsinnaapput.

Suliffissanut, Iltersuisarnernut Pikkorissaqqinnernullu qitiusumik Ingerlatsiviit ingerlannissaat pillugit kommunillu inatsimmi nutaammi aammalumi kiffartuussinissamik isumaqatigiissutini kommunalbestyrelse ingerlatsivinni sulisuusut pisariaqartitanik pisinnaassutsinik piginnaassutsinillu pigisaqarnerisa isumannaarnissaannut akisussaaffeqarpoq, tassuuna suliassamik isumaginninnerup piginnaasalittut pisinnaasalittullu iluseqartumik pisinnaanissaa qulakkeerneqassammat, taamaalillutik piginnaangorsaanermit neqeroorutinit tunngatillugu inernerisassatut angusassat anguneqarsinnaassammata.

**7) Nunap immikkoortuini Piareersarfiit ingerlanneqarneranni piareersarfissimasut angusaat nikingassuteqarnerisut nalilersuiffigineqarsimava?**

**Akissut:**

AEU pillugu Suliffeqarfimmut nassuiaammi, ukiut tamaasa saqqummersinneqartartumi, Inatsisartunullu agguanneqartartumi paasissutissanut tunngatillugu ilinniartut ukiumoortumik karaktererigaat nalilersorneqartarput. Inernerit taakku nuna tamakkerlugu misilitsinnerni angusisuni procentip 85 %-it missaanniinneranik, ukiullu arlerlugit taamaassimaneranik takutitsipput.

**8) Taamaassimappat periutsit iluatsitsiviunerisut allanit isumassarsiorfigineqarsimappat?**

**Akissut:**

Takuuk apeqqummut 7-mut akissut.

Inussiarnersumik inuulluaqqusillunga

Vittus Qujaukitsoq